

THOMAE CORMERII  
ALENCONII, R E R V M  
gestarum HENRICI II. Regis Galliae  
libri quinque.

*Ad Christianissimum, Augustissimumque Galliae  
et Poloniae Regem HENRICVM III.*



P A R I S I I S ,

Apud Sebastianum Nieuellum, sub Ciconiis,  
via Jacobæa.

---

M. D. LXXXIII.

*Cum Privilegio Regis.*



I  
THOMÆ CORMERII ALEN-  
conij Rerum HENRICI II. Galliæ  
Regis gestarum.

*Liber Primus.*

**N**stituenti mihi res hac nostra memo-  
ria gestas in Gallia scribere: eaque re-  
censere quæ vel pace vel bello acta sūt  
(quo ad certè assequi licuit) operæpre-  
mium visum est de administrandæ rei-  
publicæ ratione, nostrisque moribus  
pauca prius exponere: quò nostrarum rerum, ac regni  
huius forma & facies quædam pateat: vnde quæ com-  
mutationes rerum factæ sunt, quibusque ex causis, &  
qua ratione euenerunt, facilius cognoscatur: cuncta-  
que ad intelligendum illustria, magisque in aperto po-  
nuntur. Magnæ enim res, maximique motus, ac per-  
turbationes rerum paucissimis his annis existitæ: ma-  
gnæ de religione controuersiæ atque dissensiones: secu-  
ta etiam inde intestina bella, certaminaque ciuilia: mul-  
ta, variaque sicuti turbulentis in rebus, decreta à Regi-  
bus: ratio immutata religionis, iudiciorum, vitæ, mo-  
rum, totius penè reipublicæ.

A

diligētia & celeritate cōstruūt: præsidiōque in eo loco  
octingentorum militum imposito commeatūque ne-  
cessario in Angliam classem reducunt. Ad hoc tem-

pus Thermes missus à Rege in Scotiam Hessio  
successor cum cataphractis centum equitibus, ducen-  
tis leuioris armaturæ milleque peditibus Domberta-  
mum nauibus appulit: qui cum habito consilio Hes-  
sius priusquam in Galliam rediret, Equitiam insulam  
recipere, cāque Anglicum præsidium deiicere consti-  
tuit. Eò cùm esset, sicuti diximus, difficilis accessus,  
magna contentione vtrinque certatum est. Sed præfe-  
cto insulæ imperfecto desperatis rebus Angli in fugam  
vertuntur: parsque interempti: cæteri in Gallorum po-  
testatem veniunt: eámque victoriam Galli cùm An-  
glorum numerum non æquarent, tribus omnino è suo  
numero occisis, sed compluribus vulneratis reportarūt.  
Hæc ad Iulium mensem agebantur anno post Chri-  
sti natalem millesimo quingentesimo quadragesimo  
nono.

Termes  
Hessio  
successor  
mittitur.

Equitia  
pulsis  
Anglis re-  
cupera-  
tur.

L